

ALKOHOLPOLITISK HANDLINGSPLAN

2024 – 2028



INNHALD

1.	Formål med planen	4
2.	Gruppeinndeling alkoholhaldig drikk	6
3.	Løyveperiode for sals- og skjenkestadane.....	7
4.	Om skjenkeløyve.....	7
4.1	Alminneleg skjenkeløyve	
	7	
4.1.1	Konsept.....	7
4.1.2	Vilkår for å få skjenkeløyve.....	8
4.2	Løyve ved einskildhøve.....	8
4.2.1	Konsept.....	8
4.2.2	Skjenketider einskildhøve.....	9
4.2.3	Vilkår.....	9
4.3	Ambulerande skjenkeløyve	9
4.3.1	Kva er eit slutta lag	9
4.3.2	Omfang og skjenketid for ambulerande skjenkeløyve	9
4.4	Sakshandsaming	9
4.4.1	Søkjar	10
4.4.2	Dokumentasjon	10
4.4.3	Innhenting av uttalar	10
5.	Om salsløyve	11
5.1	Salsløyve	11
5.1.1	Gruppe 1.....	11
5.1.2	Gruppe 2 og 3	11
5.1.3	Salstider	12
5.1.4	Vilkår salsløyve	12
5.2	Sakshandsamingsreglar salsløyve	13
5.2.1	Søkjar	13
5.2.2	Løyveperiode	13
5.2.3	Dokumentasjon	13
5.2.4	Innhenting av uttalar	13
6.	Kontroll med sals- og skjenkestader.....	14

7.	Reaksjonar på brot på alkohollova	14
7.1	Prikktildeling og inndraging av sals- og skjenkeløyve	14
7.2	Sakshandsamingsreglar ved brot på regelverket.....	15
8.	Sals- og skjenkegebyr	15
9.	Vedlegg: Reaksjonar ved brot på alkohollova	17

1. Formål med planen

Alkohol- og narkotikabruk er blant dei viktigaste risikofaktorane for helsetap og tidleg død i befolkninga. Alkohol er årsak til betydeleg meir helsemessige og sosiale problem i samfunnet enn narkotika.

Tal og faktainformasjon frå [Folkehelseinstituttet](#) viser at:

- Vi drikk i gjennomsnitt 6,64 liter rein alkohol per år, rekna per innbyggjar over 15 år
- Menn drikk meir, oftare og meir risikofylt enn kvinner
- Eldre drikk oftare enn yngre, men dei har eit mindre risikofylt drikkemønster
- Vi drikk vesentleg mindre alkohol i Noreg enn i dei fleste europeiske land, rekna per innbyggjar på 15 år og over
- Alkoholbruk er ein av dei viktigaste risikofaktorane for tap av friske leveår i befolkninga, og er i tillegg årsak til sosiale problem og skadar for andre enn brukaren sjølv.
- Rusmiddelrelaterte helseskadar er sosialt skeivdelt, og grupper med lågare utdanning og/eller dårlegare økonomi er meir utsette enn andre
- Den sosiale ulikskapen i dødelegheit som vi ser i Noreg kan til ein viss grad setjast i samanheng med alkoholbruk. Tiltak som effektivt reduserer rusmiddelbruk i befolkninga vil utifrå dette kunne gje ein vesentleg folkehelsegevinst og medverke til redusert tap av helse der dette har opphav i sosiale ulikskapar


Det er ein samanheng mellom det totale alkoholforbruket i befolkninga og andelen som har eit risikofylt alkoholbruk. Totalforbruket er difor ein god indikator på kor mange som har eit høgt alkoholinntak, og med det auka risiko for helseskader og sosiale utfordringar.

Alkoholbruk kan vere ein medverkande faktor ved ulykker, vald, sjølvmondsåtfærd og skade på tredjepart. Døme på sistnemnde kan vere born som lid under alkoholbruken til foreldra, fosterskadar, offer for promillekøyering og valdsbruk. Alkoholbruk har også mange negative konsekvensar for arbeidslivet som til dømes auka sjukefråver og tapt produktivitet.


Ungdata

Ungdataundersøkinga for Vanylven kommune i 2023 viser at ungdomsskuleelevane i Vanylven har vore meir rusa på alkohol fleire gongar siste året en landsgjennomsnittet.


Kor mange gonger i løpet av det siste året har du vore rusa på alkohol? Vanylven kommune og nasjonalt




Får du lov av dine foreldre/føresette til å drikke alkohol? Vanylven kommune og nasjonalt



Prosentdel som har vore rusa på alkohol i løpet av det siste året. Blant gutar og jenter



Prosentdel som får lov av foreldra/dei føresette til å drikke alkohol. Blant gutar og jenter



Tidstrend i Vanylven kommune.

Prosentdel av elevane på ungdomstrinnet som har vore rusa på alkohol i løpet av det siste året

I 2013 hadde 14 % av ungdomsskuleelevane vore rusa på alkohol i løpet av det siste året. Talet i 2016 var på 8 %. I 2019 hadde talet auka til 23 %, medan det hadde gått ned til 20 % i 2022.

Formålet til alkohollova

Formålet til alkohollova står i § 1-1 Lovens formål: «Reguleringen av innførsel og omsetning av alkoholholdig drikk etter denne lov har som mål å begrense i størst mulig utstrekning de samfunnsmessige og individuelle skader som alkoholbruk kan innebære. Som et ledd i dette sikter loven på å begrense forbruket av alkoholholdige drikkevarer»

Lova gir kommunane stor fridom til å utforme sin eigen alkoholpolitikk tilpassa lokale tilhøve. Lova opnar også for bruk av skjønn ved handsaming av søknad om løyve.

Alkohollova § 1-7 d pålegg kommunen å utarbeide ein alkoholpolitisk handlingsplan. Denne fastset kommunen sin løyvepolitikk som skal gjennomføre alkohollova sitt formål; å redusere dei individuelle og samfunnsmessige skadane som alkoholbruk kan medføre. Effektive verkemiddel for å oppnå dette er å avgrense tilgangen på alkohol, ved til dømes regulering av sal og skjenketider. Andre viktige tiltak er jamnlege kontrollar med sals- og skjenkestadane, og raske reaksjonar ved brot på regelverket.

Kommunen må også kurse løyvehavar og tilsette ved sals- og skjenkestadane for å sikre ei ansvarleg alkoholhandtering. Det er eit ønske at kommunane i vår region har ein tilnærma lik løyvepolitikk, spesielt med omsyn til sals- og skjenketider, kontroll og handheving av regelverket. Dette på grunn av trafikktryggleik og likast mogleg konkurransevilkår for verksemdene. Sakshandsamarane i samarbeidskommunane bør ha jamnlege samarbeidsmøte for å drøfte ulike problemstillingar og sikre god samordning av praksis.

Kommunen sin alkohol- og løyvepolitikk må sjåast i samanheng med kommunen sine overordna planverk for rusmiddelpolitikk og folkehelse.

Sjå elles:

[Alkohollova](#)

[Alkoholforskrifta](#)

[Helsedirektoratet sine kommentarar til alkohollova heimesider](#)

[Folkehelseinstituttet sine](#)

2. Gruppeinndeling alkoholhaldig drikk

Alkoholfri drikk	Under 0,7 %
Alkoholsvak drikk	0,7%- 2,5 %
Gruppe 1	Over 2,5 % - høgast 4,7%
Gruppe 2	Over 4,7 % - høgast 22 %
Gruppe 3	Over 22 % - høgast 60 %

3. Løyveperiode for sals- og skjenkestadane

Løyveperioden er inntil 4 år og skal vare til 30. september året etter at nytt kommunestyre tiltrer.

4. Om skjenkeløyve

Kommunen kan gi alminneleg skjenkeløyve, skjenkeløyve til einskildhøve og ambulerande løyve.

Servering av alkohol mot vederlag krev normalt løyve, medan servering av alkohol utan vederleg normalt ikkje krev løyve.

4.1 Alminneleg skjenkeløyve

Vanylven kommune har ikkje sett tak for tal på alminneleg skjenkeløyve.

Vedtak skal gjerast i medhald av reglane i alkohollova med forskrifter, forvaltningslova, alkoholpolitisk handlingsplan og delegasjonsreglementet i kommunen.

4.1.1 Konsept

Det vert som hovudregel ikkje gitt alminneleg løyve til:

- Frisørsalongar/hudpleiesalongar/butikkar og liknande konsept
- Arrangement som er retta hovudsakleg inn mot barn og unge under 18 år
- Undervisningsbygg
- Mosjons- og idrettsarenaer
- Konditori
- Galleri og utstillingar
- Kulturbbygg og bygg som vert nytta som grendehus
- Kino
- Campingplasser
- Soner som elles vert rekna som rusfrie
- Bensinstasjonar
- Kioskar

Det skal førast ei restriktiv line til nye konsept.

4.1.2 Skjenketider

Gruppe 1 og 2	Kl. 09.00 – kl. 02.00
Gruppe 3	Kl. 13.00 – kl. 02.00

- Konsum av alkoholhaldig drikke må opphøre seinast 30 minutt etter at skjenketida har gått ut.
- Konsum av alkoholhaldig drikk i uteareal skal slutte ved skjenketida sin slutt, alkoholhaldig drikke må då takast med inn i skjenkelokalet.

4.1.2 Vilkår for å få skjenkeløyve

Kommunen kan setje vilkår for løyve i samsvar med lovverket. Desse kan vere:

- At minimum styrar og vara for styrar skal delta på kurset Ansvarleg vertskap så lenge kommunen tilbyr dette i løyveperioden. Ved skifte (styrar og vara for styrar) gjeld same vilkåret.
- Politiet kan krevje ordensvakter. Når dette vert gjort vert dette stilt som vilkår for løyvet.
- Skjenkeløyvet er ikkje gyldig før verksemda har godkjent serveringsløyve.
- Skjenkestadane skal ha forsvarleg vakthald.
- Ansvarlege for skjenkeløyve og den som skjenkar alkohol skal ikkje vere påverka av rusmiddel i arbeidstida.

4.2 Løyve ved einskildhøve

Løyvet kan tildelast arrangement som varer frå 1-6 dagar.

4.2.1 Konsept

Konsept det ikkje vert gitt løyve til:

- Arrangement som er retta inn mot barn og unge
- Undervisningsbygg. I kombinerte anlegg for skule og andre føremål kan det ved særlege høve gjerast unntak når desse anlegga vert nytta til kulturelle og sosiale føremål utanom skuletida.
- Campingplassar
- Soner som elles vert rekna som rusfrie som symjehallar, skisenter, ungdomsklubbar, bibliotek og idrettsarenaer i samband med idrettsarrangement og idrettsaktivitet.
- Hudpleiesalongar, frisørsalongar, tatoveringsstudio og liknande.
- Gatekjøkken, kioskar, bakeri og liknande konsept.

Løyve for gruppe 3 vert berre gitt til arrangement med middagsservering.

I samband med søknad om løyve for einskildhøve vert det bede om uttale frå politiet, sjå punkt 4.4.3.

4.2.2 Skjenketider einskildhøve

Normal skjenketid vert som for alminneleg løyve (jf punkt 4.1.2).

4.2.3 Vilkår

Kommunen kan setje vilkår jf. alkohollova § 4-3 for løyve ved einskildhøve. Desse kan vere dei same som for alminneleg løyve (jmf punkt 4.1.3). Normalt vil vilkår som vert sett vere knytt til:

- Vakthald under arrangement
- Løyve til bruk av bygg og uteareal
- Dokumentasjon på at tryggleik er ivareteke, derunder branntryggingstiltak

4.3 Ambulerande skjenkeløyve

Kommunen kan gje ambulerande løyve til skjenking ved slutta lag.

4.3.1 Kva er eit slutta lag

Med slutta lag meiner ein at det allereie før arrangementet tek til er danna eit slutta/privat krins av personar som samla for eit bestemt formål i eit bestemt lokale. Det inneber at arrangementet ikkje kan vere ope for alle. Døme på slutta lag er bryllaup, årsmål, jubileum, firmafestar og liknande.

Ved leige av lokale er det ikkje utleigar som skal søkje, men den som held det slutta laget.

Arrangement som vert haldne av lag og foreiningar er ikkje å rekne som slutta lag.

For meir informasjon om [ambulerande skjenkeløyve og kva som skal reknast som slutta lag, sjå helsedirektoratet sine heimesider.](#)

4.3.2 Omfang og skjenketid for ambulerande skjenkeløyve

Kommunen set eit tak på 5 ambulerande løyve på same dag. Eit slikt løyve kan omfatte øl, vin og brennevin.

Skjenketider for ambulerande løyve vert som for alminneleg løyve, jmf. punkt 4.1.2.

4.4 Sakshandsaming

Kommunen er ansvarleg for den utøvande løyvepolitikken etter den alkohollovgjevinga som til ei kvar tid gjeld. Skjenking av alkoholhaldig drikk kan berre skje på grunnlag av kommunalt løyve, jmf. alkohollova § 1-4a.

4.4.1 Søkjar

Søkjar er den som har det økonomiske ansvaret for drifta, og dette kan vere:

- Aksjeselskap, ansvarlig selskap, selskap med delt ansvar og stifting
- Enkeltmannsføretak
- Datterselskap

4.4.2 Dokumentasjon

Ved søknad om alminneleg skjenkeløyve skal følgjande dokumentasjon leggjast ved søknaden:

- Dokumentasjon på eigarforhold og vandel. (Attestane skal ikkje vere eldre enn 2 månadar). Kommunen kan i enkelte tilfelle be om meir dokumentasjon.
- Dokumentasjon på at styrar og vara for styrar har bestått kunnskapsprøva i alkohollova jmf. alkohollova §1-7c
- Dokumentasjon på at styrar og vara for styrar er tilsette i bedrifta
- Skisse over skjenkeareal inne og ute. Skjenkearealet skal vere skravert eller fargelagt.
- Tilgjenge for menneske med nedsett funksjonsevne
- Kopi av overdragsavtale ved eigarskifte
- Internkontrollrutinar

Søknadar vert ikkje handsama før all vesentleg dokumentasjon er levert inn.

4.4.3 Innhenting av uttalar

Ved alminneleg skjenkeløyve skal kommunen innhente uttale før søknaden vert handsama. Kommunen pliktar å hente inn uttale frå politi og sosialtenesta (Kommuneoverlege og folkehelsekoordinator). Kommunen kan og innhente uttale frå til dømes Skatteetaten, Mattilsynet og andre aktuelle offentlege mynde.

Ved innhenting av vandelsuttalar er det ikkje høve til å leggje vekt på forhold som er eldre enn 10 år.

5. Om salsløyve

Sal av alkoholhaldig drikk skal berre skje når det er gitt kommunalt løyve, jmf. alkoholova § 3-1.

5.1 Salsløyve

5.1.1 Gruppe 1

Alkohol i gruppe 1 kan som hovudregel berre seljast av:

- Daglegvarebutikkar
- Spesialbutikkar for mat og alkohol
- Utsal frå stad med tilverknadsløyve, som t.d. gardssal
- Nettbutikkar
 - Nettbutikkar med verksemdsadresse i kommunen
 - Nettbutikkar med verksemdsadresse i andre kommunar, men som leverer ut alkohol i kommunen.

Det er ikkje høve til å opprette monopol for sal av varegruppe 1.

Det vert ikkje gitt salsløyve til:

- Bensinstasjonar og kioskar
- Ubetente butikkar utan RMA-butikkstyringssystem eller liknande
- Lokale der det er gitt skjenkeløyve, med mindre lova opnar for det

5.1.2 Gruppe 2 og 3

Sal av alkoholholdig drikk i gruppe 2 skal i utgangspunktet skje frå Vinmonopolet sine salsstadar, men kan også skje frå stad med tilverknadsløyve, som t.d. gardssal.

- Den eller dei som har tilverknadsløyve kan tildelast sals- og skjenkeløyve av eigenproduserte varer etter reglane i alkoholova. For å få dette må ein søkje om eitt av fylgjande løyve:
- Kommunal salsløyve med rett til produksjon/tilverking for sal i eiga verksemd direkte til forbrukar.
- Kommunal skjenkeløyve med rett til produksjon for skjenking i eiga verksemd.

- **Vidaresal/engrossal**

Ved vidaresal til restaurant, butikk og andre, er det krav om statleg produksjonsløyve. Då må verksemda også registrerast hos Skatteetaten som avgiftspliktig verksemd.

- **Hovudreglane i alkohollova kapittel 6 – tilverking (produksjon)**

«§ 6-1: Bevilling gitt av departementet eller etter § 3-1b første ledd: (Salgsbevilling) § 3-1b første ledd: Hvis kravene i § 1-7 f første ledd er oppfylt (tilvirking skal skje ved salgsstedet og tilvirkingen og salget utgjør en del av stedets helhetlige karakter og salgstilbud) kan bevillingen utvides til å omfatte tilvirking for salg i egen virksomhet.»

Sal av alkoholholdig drikk i gruppe 3 skal skje frå Vinmonopolet sine salsstadar

5.1.3 Salstider

Kvardagar	kl 08.00 - kl 20.00
Laurdag og dagar før heilagdagar	kl 08.00 - kl 18.00
Dagen før Kristi Himmelfartsdag	kl 08.00 – kl 20.00

Alkohol skal vere betalt innanfor salstida.

Utlevering av alkohol må finne stad innanfor fastsette tider for sal i kommunen, uavhengig av tidspunkt for bestilling eller betaling

5.1.4 Vilkår salsløyve

Kommunen kan setje vilkår for løyva i tillegg til dei krav lovverket set. Desse kan vere:

- Salsstadane skal delta på første moglege kurs i Ansvarleg sal så lenge kommunen tilbyr det. Dette gjeld minimum styrar og vara for styrar. Ved skifte (styrar og vara for styrar) gjeld same vilkåra.
- Rutinar for internkontroll skal leverast til kommunen seinast 1 mnd etter at vedtak er gjort.
- Det skal utarbeidast rutinar for å kontrollere at personar som kjøper alkohol i sjølvbetente kasser ikkje er rusa (og fyller vilkår for alder).
- Sal/utlevering av alkohol i sjølvbetente butikkar kan berre skje dersom det er personale til stade.

5.1.5 Salsløyve ved einskildhøve

Salsløyve for einskildhøve kan gjevast til arrangement som varer frå 1 – 6 dagar, på same vilkår som gjeld for alminneleg salsløyve.

5.2 Sakshandsamingsreglar salsløyve

5.2.1 Søkjar

Søkjar er den som har det økonomiske ansvaret for drifta og dette kan vere:

- Eit aksjeselskap, ansvarlig selskap, selskap med delt ansvar og stifting
- Enkeltmannsføretak
- Dotterselskap

5.2.2 Løyveperiode

Løyveperioden er inntil 4 år og skal vare til 30. september året etter at nytt kommunestyre tiltrer.

Vedtak vert gjort etter reglane i alkoholova med forskrift, forvaltningslova, alkoholpolitisk handlingsplan og delegasjonsreglementet i kommunen.

5.2.3 Dokumentasjon

Ved søknad om alminneleg salsløyve skal følgjande dokumentasjon leggst ved søknaden:

- Dokumentasjon på eigarforhold og vandel. (Attestane skal ikkje vere eldre enn 2 månader). Kommunen kan i enkelte tilfelle be om meir dokumentasjon.
- Dokumentasjon på at styrar og vara for styrar har bestått kunnskapsprøva i alkoholova jf. alkoholova §1-7c
- Dokumentasjon på at styrar og vara for styrar er tilsett i bedrifta
- Ei skisse over lokalet der sal skal skje
- Kopi av overdragingsavtale ved eigarskifte
- Rutinar for internkontroll

Søknadar vert ikkje handsama før all vesentleg dokumentasjon er levert inn.

5.2.4 Innhenting av uttalar

Før kommunen gjer vedtak om tildeling av salsløyve skal kommunen hente inn uttale frå politi og sosialtenesta (Kommuneoverlege og folkehelsekoordinator). Kommunen kan også innhente uttalar frå til dømes Skatteetaten, Mattilsynet og andre aktuelle offentlege mynde.

Ved innhenting av vandelsuttalar er det ikkje høve til å leggje vekt på forhold som er eldre enn 10 år.

6. Kontroll med sals- og skjenkestader

[Alkoholforskrifta kap. 9](#) inneheld føresegnar om kontroll med sals- og skjenkeløyve.

Kommunen skal kontrollere alle sals- og skjenkestadar for å sikre at det ikkje skjer brot på regelverket eller vilkåra i løyvet.

Kommunen kan gjennomføre kontrollar ved eigne tilsette, engasjerte kontrollørar eller private vaktsselskap. Gjennom innkjøpssamarbeidet med Ålesund kommune er det per i dag inngått ein avtale med eit privat vaktsselskap og det vil vere denne avtalen som regulerer omfanget og detaljane kring korleis skjenkekontrollen skal gjennomførast.

Det følgjer av alkoholforskrifta at kontrollen skal gjerast med minimum to kontrollørar og kan skje ope eller anonymt. Kontrollen skal særleg omfatte sals- og skjenketidene, føresegnene om aldersgrenser og at det ikkje vert selt eller skjenka alkohol til personar som er openbert påverka av rusmiddel. Kommunen skal elles sikre at kontrollen til ei kvar tid er tilpassa dei lokale forhold.

Det følgjer av alkoholforskrifta § 9-7 at kommunen skal gjennomføre minimum tre gongar så mange kontrollar per år som det er løyve og kvar stad skal kontrollerast minimum ein gong per år. Kontrollane med ambulerande løyve og løyve for einskildhøve kjem i tillegg til den ordinære skjenkekontrollen.

Saksansvarleg for sals- og skjenkeløyve i kommunen skal gjennomføre årlege planleggingsmøte med skjenkekontrollen.

7. Reaksjonar på brot på alkohollova

Kommunen pliktar å reagere dersom skjenkekontrollen eller andre mynde avdekkjer at løyvehavar ikkje har oppfylt sine plikter etter alkohollova, forskrifter eller plikter som følgjer av sjølve løyvevedtaket.

7.1 Prikktildeling og inndraging av sals- og skjenkeløyve

Alkoholforskrifta har reglar om standardiserte reaksjonar i form av prikktildeling ved brot på regelverket eller på vilkåra i løyvet, sjå kap. 10 i forskrifta.

Sanksjonar som prikktildeling eller inndraging av sals- og skjenkeløyve kan skje på grunnlag av ein skjenkekontroll gjennomført i medhald av kapittel 9 i alkoholforskrifta eller ein formell rapport frå andre myndigheiter.

Dess alvorlegare brotet er dess fleire prikkar pliktar kommunen å gje. Likearta brot skal vurderast som eit enkeltbrot, men fleire likearta brot under ein kontroll kan indikere at det

ligg føre skjerpande omstende som gjev grunnlag for fleire prikkar.

Kva type lovbrøt som gjev prikkar og kor mange prikkar brotet kvalifiserer til, går fram av alkoholforskrifta § 10-3. Det er utarbeidd ei enkel oversikt i vedlegget til denne planen. Paragraf § 10-4 opnar for at vi kan gje færre eller fleire prikkar. Det skal meir til for å gje færre prikkar enn for å gje fleire prikkar.

Dersom løyvehavar i løpet av ein periode på to år har fått totalt 12 prikkar, skal kommunen drage inn løyvet for eit tidsrom på ei veke. Vert det i perioden gjeve fleire enn 12 prikkar, skal vi auke lengda på inndraginga tilsvarande.

Når vi reknar toårsperiode skal tidspunkta for brota leggjast til grunn. Toårsperioden gjeld uavhengig av om løyvet er fornya i løpet av perioden, jmf. alkohollova § 1-6. Ved overdraging av verksemda byrjar ny periode på tidspunktet for overdraginga, jmf. alkoholloven § 1-10 første ledd.

Inndraging av eit løyve kan også skje når vilkåra for å ha løyve ikkje lenger er tilstades, som til dømes at kravet til uklanderleg vandel i alkohollova § 1-7b ikkje er oppfylt.

7.2 Sakshandsamingsreglar ved brot på regelverket

Det følgjer av § 9-6 i forskrifta at skriftlege rapportar frå skjenkekontrollen skal sendast til sals- eller skjenkestaden seinast innan ei veke, med ein frist på 2 veker for eventuelle merknadar. Dersom det er registrert negative avvik, kan rapporten med eventuell tilleggsrapport sendast ut saman med førehandsvarsel om vedtak.

Vedtak om inndraging og tildeling av prikkar skal reknast som enkeltvedtak etter forvaltningslova § 2. Det inneber at det gjeld særskilde sakshandsamingsreglar, sjå forskrifta §§ 10-5 og 10-6 og forvaltningslova.

Før eit eventuelt vedtak om inndraging eller prikktildeling vert gjort pliktar kommunen å gje førehandsvarsel, jmf. forvaltningslova § 16 om at kommunen vurderer eit slikt vedtak og ei grunnngjevinga for dette. Løyvehavar skal også få rimeleg frist til å uttale seg om saka.

8. Sals- og skjenkegebyr

Sals- og skjenkegebyra i kommunen følgjer til ei kvar tid satsar sett i forskrift til alkohollova.

Kommunen gir frist for innrapportering av omsetjing som dannar grunnlag for avgift.

Gebyr ved søknad om skjenkeløyve for einskildhøve vert sett til:

Løyve for 1 dag: Kr. 1200,-. Pr. påfølgjande dagar: Kr. 500,- pr. dag.

Gebyr ved søknad om salsløyve for einskildhøve vert sett til:

Løyve for 1 dag: Kr. 1400,-. Pr. påfølgjande dagar: Kr. 150,- pr. dag.

9. Vedlegg: Reaksjonar ved brot på alkohollova

Prikkar	Regelbrot
8	Sal, utlevering og skjenking til mindreårige (personar under 18 år)
	Brot på hjelpeplikta
	Brot på kravet om forsvarleg drift
	Å hindre kommunal kontroll
4	Sal og utlevering og til person som er openbert påverka av rusmiddel (gjeld både alkohol og narkotika). Skjenking til person som ein må anta er påverka av rusmiddel
	Brot på reglane om sals-, utleverings- og skjenketid
	Skjenking av alkoholhaldig drikk over 22 volumprosent til person under 20 år
	Brot på alderskrav for den som sel, utleverer eller skjenker alkoholhaldig drikk
2	Person som er openbert påverka av rusmiddel får tilgang til lokalet eller at løyvehavar ikkje syter for at ein person som er openbert påverka av rusmiddel forlèt lokalet
	Manglar ved løyvehavar sin internkontroll
	Gjentekne tilfelle med omsetnad av narkotika på skjenkestaden
	Gjentekne tilfelle av diskriminering
	Manglande levering av omsetnadsoppgåve og forseinka betaling av gebyr
	Brot på krav om styrar og vara for styrar
1	Brot på krav om alkoholfrie alternativ
	Brot på reglane om plassering av alkoholhaldig drikk på salsstad

1	Brot på reglane om skjenkemengd for brennevin
	Brot på vilkår sett i vedtaket om løyve m.m.
	Konsum av medbrakt alkohol
	Gjestar tek med alkohol ut frå skjenkelokalet
	Brot på reklameforbodet
	Det vert utskjenka alkohol frå leverandør som ikkje har <i>“tilvirknings- eller salgsbevilling eller som kan drive engrossalg, eller som er tilvirket eller innført med hjemmel i § 4-2 tredje ledd.”</i>
	Brot på forbod mot å nytte alkoholhaldig drikk som gevinst eller premie
	Brot på forbod mot å dele ut alkoholhaldig drikk til forbrukar med marknadsføring som formål
	Brot på forbod mot at person som har salsløyve gjev rabatt ved sal
	Brot på forbod mot innføring og omsetting av enkelte alkoholhaldige drikkar, jmf. Alkoholova § 8-13.